


B. N. C.
FIRENZE
1093
6



1093.6

CA R O L U S
COMITI DE FIRMIAN

DOMINO. CRONMETZ. MEGGEL. LEOPOLDSCRON

AUREI VELLERIS TORQUATO

PLENIPOT. IN INSUBRIA AUSTRIACA

MANTUÆ SABLONETÆ BOZZOLI PROGUB.

CONSILIAR. I. A. ST. &c. &c. &c.

MARCHIO AUGUSTINUS
ORIGONUS A. A.

THESES PHILOSOPHICAS

IN UNIVERSITATE BRAYDENSI S. J.

PUBLICÆ PROPUGNANDAS

D. D. D.



MEDIOLANI)(MDCCLXX.


Apud Joseph Mazzucchellum in Typographia Malatestæ.

Superiorum permissu.

INTERNATIONAL CONFERENCE
ON THE HISTORY OF
THE AMERICAN INDIAN
AND THE AMERICAN
INDIAN
CONFERENCE

1093.6

COMES EXCELLENTISSIME. II

 *Su receptum est, ut, adolescentiæ,
litterarumque curriculo emenso,
plerique illustrem auctoritate sibi
Patronum deligant ad extremum actum.
Unum Te talem, COMES EXCELLENTISSIME,
mibi quidem semper optavi, habeoque jam
tandem inpræsens. Ut autem optare aude-
rem, faciebat omnium Insubriæ doctorum
bominum exemplum, qui Te sibi judicem
ac*

*ac vindicem statuunt suo propemodum jure;
itā Tu Te omnibus doctrinae studio deditis
suaviter, & perhumaniter praestas. Non
me cum illis ingenio comparavero; attamen
non minus illis videor mihi omnia de Tua
voluntate posse polliceri. Si enim parentum
personam sustinent filii, magnum profecto
mihi jus est ad Tuam humanitatem, qua
amplissime Patrem meum, totamque meam
domum exornas, ac cumulas. Hoc ego Te
animo interpellavi, ut Mecænas esses; sique
bene, ut spero, certamen cedit, magnæ
semper mihi gloriæ vertam Amplitudinis
Tuæ vi, virtuteque erectum, studiis me meis
aliqua cum laude esse perfunctum.*



Omo nobis traditur excolendus neque infans, neque Philosophus; cui memoria, ratio, idioma ex usu quidem naturali jam est; ars vero nulla veritatis certo discernendæ, demonstrandæ, errorisque vitandi. Quare non immerito a CCL. Formey, Gerdilioque commonemur, ne studio novitatis abrepti Logicam, ut ajunt, artificiosam, tamquam obsoletum Philosophiæ aditum negligamus; cum inde potius constare Philosophia omnis debeat, ipsaque adeo penitior Psychologiæ analysis, quam Recentiores aliqui præmittendam esse contendunt. Si quid autem ex Ontologia, aut Psychologia mutuatur Logica; id erit principium aliquod nemini dubium, longeque clarius præterito infantis statu, ac prius idearum consociatione, quam nova Methodus præcoci, irritoque Tyronum conata pervestigat. Demum Logices ipsa, concludit Formey, *vous garantit, qu'en tems, & lieu les principes, qu'elle emprunte, reparoîtront duement démontrés: ou plutôt les Sciences mêmes, qui les lui prêtent, sont sa caution, & dégageront la promesse.* Tom. 1. Abreg. d. Scienc.

EX LOGICA.

I. **D**uplex Logicæ pars distingui solet, theoretica nimirum, & practica, quam alii rectius disceptantem appellant. Ad theoreticam spectat: 1. Ideas, & idearum proprietates recensere, judicia sua in classes tribuere, multiplicem identitatis, diversitatis, coexistentiæ relationem distinguere; tum ratiocinationis vim omnem expendere, & ratiocinationum varietatem ad simplex inviduque principium revocare: 2. Potiorem Grammaticæ suppellectilem expedire ad sensus animi rite aperiendos, interpretandos: 3. Fontes de-

nam ertoris præcipuos detegere, & quibus par est præceptis emendare. In his equidem pertractandis P. Buffier *Cours des Scienc.* potissimum usi sumus, quo quidem uti non dedignantur Encyclopedistæ artic. *Logique*, artic. *connoissance*, & alibi.

II. Luculentior est altera Logicæ pars, quæ totius humanæ certitudinis fundamenta, seu communes, ut ait Tullius, Philosophiæ locos disceptando ita perpendit, ut effræne Scepticismum æque ac stupidam castiget credulitatem. Errat ergo Auct. lib. *Pirrhonisme du sage* cum hominem de sui solum, & actuum suorum existentia certiores pronuntiat: complures enim alias certo assequimur veritates, quarum nobis criterium est Evidentia.

III. Cum vero evidentia duplex sit, immediata scilicet, atque mediata; contra Huetium defendimus ab illa quidem semper, ab hac identidem in re metaphysica methaphysicam haberi certitudinem.

IV. Ab argutiolis Idealitarum, quas Berkeley, & nuperrimus Hume subtexunt, Evidentiam sentium vindicamus: iudicium propterea de plurium corporum existentia, & varietate physice nobis certum est.

V. Inductio completa demonstrationis in genere suo perfectæ vim tenet; eandemque sæpius in Mathematicis disciplinis retinet inductio licet incompleta. Sed hæc in Physicis infirmatur, non ita tamen, ut nobis certo inferre non liceat mundum hunc adspicibilem constanti, & uniformi legum ordine gubernari. Ad ejusmodi leges rite explorandas optima profert Boschovichius in *Theor.*, & *Append.*

VI. Sua inest humanæ auctoritati certitudo plena atque perfectæ, cognomine Moralis: ea donari illustre factum asserimus, quod testes oculares numero plurimi, natione, ætate, studiis, religione diversi, ac totam veluti societatem hominum referentes enarrant, quin ejusmodi certitudinem imminuant calculi, & supputationes Angli cujusdam in *Trans. Phil.* memoratæ.

VII. Quæ quidem omnia stant, quamquam factum supernaturale videatur; secus ac velint Rousseau, Auct. lib. *Pensées Philosophiques*, Hume, alique id generis.

VIII. Utrumque factorum genus oculari, quod diximus, testimonio firmatum, potest ad loca subinde, & sæcula utlibet remotissima, nullo certitudinis detrimento propagari. Idoneum vero propagationis medium esse potest: 1. Oralis Traditio: 2. Historia: 3. Monumenta. Quare ex arte Critices legitimis primo cujusque mediis conditiones definimus, tum fidem protegitur calculo iterum, cavillogue Scepticorum plurimo circumventam.

5

IX. Plerumque fit , ut ab expensis Philosophiæ locis neque nulla , neque sufficientia eluceant veritatis indicia ; sed vel ex certis incerto , vel certo ex incertis cognitiones inferantur. Hos inter ignorantis , scientiæque limites probabilitas amplissime dominatur ; major quidem vel minor , prout ad finem alterutrum accedit magis .

X. Nullis ergo differentiis , quæ vel nullæ , vel subalternæ sunt ; alia nobis est probabilitas positionis , suppositionis alia . Illa identidem in sola eventuum similium experientia innititur : hinc dantur theses eatenus solum probabiles , quatenus earum momenta in similibus circumstantiis sæpius consenserint veritati .

XI. Identidem cum experientia conjungitur manifesta ratio pluralitatis eventuum : hinc dantur theses aliæ , quarum probabilitas & probabilitatis gradus rigide demonstrantur . Locupletissima nobis exempla in re medica , rustica , politica , militari , in ludis , & mercatura sufficiunt s' Graveſſand , atque Bernoullius .

XII. Ad suppositionis probabilitatem requiritur , 1. quod hypothesis neque principio , neque facto melius cogito refragetur : 2. quod effectibus satisfaciatur , quibus explicandis fuit hypothesis excoGITATA : 3. hinc in re saltem Physica , ubi cœtera sint paria , probabilitas systematum erit in ratione directa simplicitatis eorumdem . Cautius tamen hypothesis indulgendum : problema namque est : damni ne , commodi ne plus inde perceperit Philosophia . Sic in methodo systematica quantum satis versati ad Synthefim , & Analysim progredimur .

XIII. Sunt qui pro analysi una , tamquam pro aris & focis depugnaverint . Attamen jure statuit Changeux , quod sin minus ad veritatem investigandam , saltem edocendam neutra methodus semper erit utilior altera ; neutra ideo eliminanda .

XIV. Quodcumque fuerit magisterium , concludit Formey ; faciliora , clariora semper antecedant , ut difficilioribus , quæ sequuntur , lucem affundant . Quare ut Physiologiam ante Psychologiam pertractemus , præter alia complura ab Haller in *Prodrom. ad Phys. producta* , movet nos plurimum auctoritas Bonneti , qui post emensam Psych. Analysim iterum lib. *Contempl. de la Nat.* pronuntiat : *Jamais on ne réussira mieux à diriger l'homme , que lors qu'on partira du Physique de sa Constitution . C'est toujours par le Physique , qu'il faut passer pour arriver à l'Ame.*

EX PHYSIOLOGIA.

XV. **E**lementa humani corporis sensibilia persequitur primum Physiologia: duplex ergo fibrarum genus, *stamina* videlicet, ac *lamina* solida omnia humani corporis constituunt: fibras vero ipsas terra potissimum, & gluten ex aere, aqua, oleoque confiatum.

XVI. Vasa sanguinis sunt cor, arteriæ, venæque, quarum utrarumque systema tamquam duo coni concipi debent, apicem in cor, basim ad extima corporis protendentes, utrobique communicantes adeo, ut sanguis a corde in arterias, ex arteriis in venas, & ad cor iterum motu continuo circumferatur.

XVII. Hujusce circulationis causa potior non est arteriarum contractio, neque vasorum capillarium attractio, neque vis eorumdem vibratilis, neque demum activitas caloris, aut aeris ex calore se se expandentis; sed alterna cordis actio, quam systolem, atque diastolem vocant.

XVIII. Vasa aeris sunt trachæa, atque pulmones; ubi sanguis licet non frigidior, perfectior sit tamen: conteritur enim, exhalat, fluiditatem acquirit, cum aere novo commiscetur, a quo rubrum etiam calorem habet.

XIX. Attamen sanguis, aut cor non sunt activa respirationis organa, sed in statu naturali sunt abdominis, ac thoracis musculi, & diaphragma; in statu violento musculi quandoque pulmonales. Singulares hic respirationes explicamus, thulsum videlicet, oscitationes, anhelitum, suspiria, singultusque &c.

XX. Sanguis ita perfectus fluida omnia humano corpori impertitur ad notas quatuor species revocanda: ex his porro lymphæ præcipuam solidorum enutritionem præstat.

XXI. Secretionem glandulis ubique fieri falsum est. Nam præter humores coagulabiles, absque ulla intermedia machina secernitur inflammabilis adeps. Itaque mira ejusdem phænomena, de quibus clar. Viri desperaverant, feliciter explicantur. Rationem equidem ignoramus, qua multiplex secretionis organum operetur.

XXII. Sanguis secretionem exhaustus ciborum digestionem reparatur. Hanc in homine, cæterisque membranosi stomachi animalibus succi potissimum efficiunt: attritu contra digerunt bestię reliquæ musculari ventriculo donatæ.

XXIII. Instrumenta sensuum sunt nervi, seu cerebri propagines per corpus fere totum diffusæ, aliterque adeo temperatæ, ut solennes quin-

7
quinque sensuum classes constituent. Omnes tamen fluido subtilissimo, maximeque actiuo irrigantur, quod in cerebro elaborari, indeque per nervos circuire non improbabile est.

XXIV. Hoc autem fluido motiones externis sensibus impressæ ad intimum, & commune cerebri sensorium propagantur. Quod nisi fiat, nulla ullibi haberetur sensatio.

XXV. Immediata igitur sensationum omnium organa in uno cerebro sunt; mediata reliqua in corpore.

XXVI. Instrumenta imaginationis non alia sunt, quam quæ immediata sensationis diximus; dummodo in iisdem, quod sæpe fit, inducta a præviis sensationibus immutatio aliqua perseveret.

XXVII. Quemadmodum, sentiente animo, fibræ internæ ab externis, sic animo vividius imaginante, externæ ab internis motu analogo permouentur. Atque hinc naturale affectuum idioma, morbi, navi, aliaque in corpore imaginantis phænomena mira promanant.

XXVIII. Immo nævos etiam aliquos a materna imaginatione contrahunt fœtus.

XXIX. Instrumenta motuum sunt muscoli, ad vitales alii, alii ad voluntarios efficiendos destinati. Ad voluntarios quod attinet, verosimile nobis est musculos in statu suo naturali pollere immechanica vi contractili, quæ a stimulo irritata eorundem actionem præstet. Stimuli autem loco fluidum nerveum haberi potest. Sic stare Physicum hominem intelligimus. Restat ut præcipuas ejusdem vices persequamur.

XXX. Somnus status est hominis, in quo vitales operationes leutescunt; animasticæ communiter cessant. Vigilia status est huius oppositus.

XXXI. Somnia naturaliter habita sequuntur physicam imaginationis legem; neque tamen ab immediato sensationis motu debent usque determinari. Denique communior somniorum recordabilium causa, fere pendet a mediocri spirituum animalium, per cerebri fibras influxu.

XXXII. Ut somnus & vigilia, ita fames atque sitis periodicam a corpore causam habent. Illa potissimum a mutua sensilium, quæ in ventriculo sunt, plicarum vellicatione repetenda est: hæc vero ex defectu salivalis, aliorumque humorum fauces, æsophagique membranam irrigantium.

XXXIII. Incrementum, status, decrementum hominis a multis adeo

adeo causis existunt, ut satius ea fuerit describere, quam in disputationem vocare.

XXXIV. Staturæ tamen hominis, ac ceterorum fere animalium lex quædam proceritatis præscripta est, speciem quamque suos intra limites continere solita, quibus propterea insigniter transgressis, monstrorum idea, & mensura desumpta est. Fines ejusmodi cuique proprios historia naturali duce persequimur. Non exiguos esse homini statuendos probat præter alias procera Petagonum gens.

XXXV. Quid de bipidis, aut quadrupedis staturæ modo? Homo communiter bipes incedit; tripes non raro, vel quadrupes scipionum, aut fulciminis alterius usu; vix unquam obrepit pronus. Ergo statura bipes, aut erecta multipes magis est naturalis homini, quam reptilis recurva.

XXXVI. Longævissima inter animalia homo naturaliter esse potest, ut injustæ propterea sint de vita brevi querelæ. Quæ longævitati conducunt, ex ipsa quæstione colligimus.

XXXVII. Mortis humanæ signum præsens, certumque non est quies cordis, neque sanguinis coagulatio, neque ad stimulum omnem insensibilitas, aut nulla musculorum irritatio, neque rigor, aut membrorum commune frigus, neque ipsa patredinis inchoatio. Rectius signorum horum conjunctio, & incrementum jure de certâ morte definiunt, eoque spectant sanctissima super humationis tempore juris utriusque decreta. Quid vero mors ipsa? Aut quid vita mortis contraria?

EX PSYCHOLOGIA.

XXXVIII. **V**itam hominis constituit ille, qui ne dum inest corpori, sed physice conjungitur animus; & cujus naturam ab effectibus quamprimum aggredimur explorandam.

XXXIX. Huic interim conjunctioni neque causarum occasionalium hypothesis, neque præstabili Leibnitii harmonia satisfaciunt.

XL. Tournemini, seu potius D. Augustini systema tamquam præceteris probabile defendimus.

XLI. Ex eo pronum est sensationes, & simplices imaginationes animi explicare. Cohærenter ergo dicimus 1. Utramque esse animi modificationem a diversa earundem fibrarum commotione determinatam: 2. Intimum vero doloris sensum a congruo, vel incongruo ejusdem organi motu pendere: 3. Quæ inter ipsas sensationes, vel ipsas

ipsas inter imaginationes habetur differentia intensiōis, eam a quantitate motus; quæ specifica habetur differentia, eam a diversitate fibrillarum proficisci: 4. In utraque demum modificatione animum non pati solum, sed etiam agere. Activa est ergo animi, ad sentiendum, & imaginandum capacitas.

XLII. Idea apud nos est imago rei, quæ cognoscenti animo obversatur. Naturam ideæ simplicis definire stultum est: compositas per analysim resolvere, & mentis activitatem gradatim se se explicantem agnoscere utilissimum. Accomodas ad id hypotheses excogitarunt Maupertuisius, Condillac, Bonnet: ex his modo pauca.

XLIII. Finge animum corpori adeo conjunctum, ut sensuum omnium sit expertus: ideis ne, aut quibus nam gaudebit ille? Omnino nullis.

XLIV. Unum jam illi sensum concedamus, sensationemque unam. Quid inde animus? Modificabit se se, modificationem experietur suam. An veluti a corpore determinatam? Assirnant Boscovichius, & Vernej: negant Condillac, atque Bonnet, quo jure inductionis non video: nodus a nodo unionis pendet; sed hunc postremi investigare refugiant.

XLV. Altera accedat animo vel ex eodem, vel ex alio sensu diversa notabiliter sensatio. Hæc primæ imaginationem revocat; ex hac revocatione nascitur novitatis sensus, ac reminiscencia: Si reminiscitur animus, judicat, ratiocinatur: sed etiam cum utroque actu se se identificans personalitatis sensum acquirit, statum alterum alteri præter appetendo, aversandoque; quin & attendere, sensumque successionis, durationis, voluptatis relativæ, harmoniæ aliqujus adipisci; & quod caput est, simplices ideas pro diversitate objectorum distinguere, componere, sensilique abstractioni assuescere: inter hæc ideas plures quoad figuram, distantiam, motum, aliasve corporum relationes nascuntur, quanto citius sensationes multiplicentur.

XLVI. Sed nulla major progressio, quam ex usu signorum; inde enim imaginatio, reminiscencia, compositio, abstractio faciliores evadunt: hinc quotquot attingimus idearum capita, in immensum excrescere, ad abstractionem usque sublimiorem promoveri. Sed cum signorum inventio, atque ordo signorum usum mirifice adjuvent, patet propterea quantum intersit in idonea societate educari.

XLVII. Hisce adjumentis instructa mens ad hanc, illamve idearum classem attentionem inflectens vim reflexionis exercet: abstractas

ctas

etas cum abstractis, sensiles cum insensilibus; & vicissim confert, infert; atque ita notiones causæ, substantiæ, essentiæ, modorum, contingentis, & necessarii, corporei, & incorporei, creaturæ, & Creatoris, spatii, temporis, motus absoluti, & relativi, immensi geometrici, & metaphysici, felicitatis, perfectionis, pulchritudinis, omnia demum scientiarum atque morum principia informat. Quarum notionum omnium analysim instituimus; & singillatim de pulchritudine generali, de qua multa adeo Loke, P. André &c., eamque deprehendimus pendere ex claritate, varietate, unitate percæptarum relationum in finem delectabilem conspirantium.

XLVIII. Nullæ igitur ideæ innatæ, aut Divinæ essentiæ medio juxta hypothesim Malebranchianam aquisitæ.

XLIX. Facultates autem, unde multiplex, quem evolvimus, animi status, id commune habent, ut omnes activæ sint; incorporeæ omnes, licet omnes ab usu sensuum pendeant.

L. Attamen inter easdem distinctio tanta, ut desipiat Helvetius, qui in l. *l'Esprit* unam in homine Physicam sensibilitatem agnoscit.

LI. Vis imaginatrix partim cum vi sentiendi, ut n. 41. dictum est; partim cum vi attendendi, judicandi &c. communicat.

LII. Judicare autem, attendere, quamquam imperio voluntatis subesse possit; nihilominus proprium est mentis opus.

LIII. Reminiscencia a speciebus quibusdam spiritualibus nullomodo repetenda; sed neque a solo fibrillarum nexu, vestigioque retento: judicium propterea, aut ratiocinatio accedat aliqua necesse est.

LIV. Intellectus, seu ratio hominis distinctas, communes, nulloque typo procusas sibi vindicat rerum notiones, & veritatum abstractarum nexus. Quare priores, quamdiu vivimus, supponit virium actiones.

LV. Sed nusquam elucet melius activitas animi, quam dum ille statum alterum alteri præfert. Appetere tunc bonum propositum, aut malum averfari, aut velle, & nolle dicitur: ex quo voluntatis nomen. Voluptate, & dolore voluntas in actum erumpit: malum ergo, qua malum est, nequit esse voluntatis objectum.

LVI. Hæc autem si nullo rationis usu regatur, juxta percæptam boni vel mali sensilis vim operetur oportet: at ratione eidem præfalgente, idem objectum, ut bonum sensile, & simul rationale, malum proponi potest. Hinc duplicis appetitus differentiam, pugnamque intelligimus; licet una sit appetendi facultas. De affectuum natura, & disciplina commodius in Ethica.

LVII. Quæcumque sit appetitionum oppositio, voluntas in pluribus libera est; non quatenus agat solum, aut sit a coactione immunis; sed quia nullo fato, nulla physica, aut morali necessitate constringitur, quominus, habitis ad agendum prærequisitis, agere vel non agere, vel agere oppositum queat; quæ vera libertas est indifferentiæ, contradictionis, contrarietatis.

LVIII. Exploratis animi viribus natura ejusdem clarius innotescit. Humanus ergo animus est substantia indivisibilis, simplex, inextensa, agendique potens, nullatenus vero iners; proindeque non est materia, ex qua scilicet corpora hæc nostra coalescunt.

LIX. Non eam cum corpore, quicum fuit conjunctus, aut cum hac rerum universitate relationem habet animus, unde inferendum sit stare illum sine corpore nequaquam posse. Perperam inde affirmant alii animum vere separatum iri, simulque deletum; alii non esse interimendum, sed nunquam a primæ conjunctionis organo separandum. Postremam hanc opinionem a Leibnitio propositam magno rationis, & revelationis abusu tuentur With., Carolus Bonnet, alique passim.

LX. Verum complures sunt Deum inter & animam relationes aliæ, ex quibus illam æternum servatum iri demonstramus. Demonstrationem confirmat etiam communis populorum consensus.

LXI. Sensus & analogia efficiunt, ut qualis in nobis est, talem in aliis quoque hominibus residere animum morali certitudine judicemus. Quid tandem de brutis?

LXII. Mittimus inane de spiritus appellatione litigium: pro ea, quam tutior analogia profert, brutorum cum homine similitudine, aut differentia statuimus. Inesse brutis animam plane incorpoream; 2. Eandem nihilominus esse ordinis admodum inferioris, quam humana. At nullam ne Deus condiderit naturam aliam incorpoream una cum humano genere communicantem?

EX PNEUMATOLOGIA.

LXIII. **P**UROS, qui creati sint, spiritus complectitur hæc Metaphysicæ pars. Equidem in his Revelatio locupletissima: Philosophia admodum jejuna. Quod tamen illa amplissime docet, hæc satis probabiliter populorum consensu, & vi rationis persuadet, complures videlicet haberi ejusmodi spiritus materiæ expertes, materiæ tamen cominovendæ capaces, intellectu, voluntateque præditos, naturall etiam immortalitate donatos.

LXIV.

LXIV. Ex his aliqui sunt humano generi utiliter propensi; Divinæ propterea erga nos largitatis ministri, eoque tenui Angeli. boni nuncupandi.

LXV. Alii contra existunt ad nostram perniciem proni, cultus Divini raptores, Dei perduelles, jure Cacodæmones appellandi. Eorum existentiam probant imprimis oracula apud Gentiles. Quidquid enim, duce Vandal, reclamaverint Galli, Italique recentiores; perstant adhuc momenta a PP. Balthus, & Honorato a S. Mar. producta.

LXVI. Præterea, licet nulla sit vera ars Magica; magi nihilominus extiterunt aliqui, viri videlicet, aut foeminae, qui Cacodæmonum commercio uterentur.

LXVII. Idem plane dicendum de energumenis, quos omnes denegare indignum Philosopho est.

LXVIII. Spectra demum, ac lemures ab iisdem spiritibus aliquando exhibita propugnamus.

LXIX. Novimus quantum hisce in rebus phantasia, aut hominum improbitas valeat. Leges equidem criticæ severioris adhibendæ; juxta quas ea, quæ apud Slavos *Vampir* dicebantur, inter probabiles mortuorum apparitiones haud recensemus. Jam ad supremum increatumque spiritum ascendimus.

EX ONTOLOGIA, ET THEOLOGIA NATURALI.

LXX. **D**Udum e re nata usi sumus Ontologia: præcipuas ejusdem notiones, ac theoremata in genesi idearum expendimus: duo nunc principia rationis nempe sufficientis, & contradictionis ad Theologiam convertimus. Igitur extare Deum, ut ens necessarium demonstrat certissima, quam quilibet experitur, animi sui existentia plane contingens.

LXXI. Extare Deum, ut ens optimum demonstrat vera ejusdem entis possibilitas. Quæ duo penitus metaphysica majorem in modum illustrat Mendelssohn in diss. ab Accad. Reg. Scient. præmiæ donata 1763.

LXXII. Extare Deum, ut Universi effectorem evincit mundana rerum contingentium series, quam exhibent sensus: evincit motus, ac determinatus corporum status, certusque ordo: qua super re duo excogitavit Boscovichius omnino invicta.

LXXIII.

LXXIII. Extare Deum sub notione multiplici demonstrat communis populorum consensus, quem esse veram naturæ vocem firmissime ostendit P. Hayer.

LXXIV. Quæ omnia ut certius constarent, præter patentes Atheos, Spinozæ Pantheismum, ac mundi æternitatem præmaturre oppugnavimus; quidquid insuper Maupertuisius, Montanarius, aliique opponerent non quidem ut Athei, sed potius ut novi Atheorum hostes viderentur.

LXXV. Ex idea entis a se, quæ Deo convenit, evidenti rationatione deduximus attributa Dei quotquot absoluta intelliguntur. Singillatim contra Polytheistas, Idololatrias, Materialistas Dei unitatem, simplicitatem comprobamus.

LXXVI. Quoad attributa comparativa, Deus est unus mundi creator; quod est contra Manichæos.

LXXVII. Deus ne dum in tempore, sed liberrime condidit mundum; qui propterea licet in genere suo opus perfectum sit; non tamen est absolute optimus: quod est contra Optimistas Leibnitianos.

LXXVIII. Deus mundum assidue conservat, summaque providentia gubernat, futura libera præcognoscit; quin sibi miraculorum patratorum ademerit potestatem, vel defectus omnes impedire teneatur, aut causis liberis inferat necessitatem: quod est contra Deistas, Pyrrhonianos, Fatalistas.

LXXIX. Deus est summe verax, impense beneficus, necessario iustus: non ergo naturam rationalem vel ad inevitabilem, absolutamque miseriam, vel ad necessarium, & communem errorem condiderit: quod iterum est contra multiplicem Deistarum, & Scepticorum classem.

EX ETHICA:

LXXX. **N**aturæ Creatoris, creatique hominis intellecta intelligimus unum Deum esse finem nobis ultimo præstitutum, quem insecutis, asssecutis inchoata, vel perfecta obventura sit beatitudo.

LXXXI. Regulam ergo naturalem humanarum actionum directricem haberi oportet: hanc esse dicimus voluntatem Dei præcipientis, ut homo iuxta ordinem sibi defiaitum operetur. Quare lex, aut jus naturæ existit perpetuum, immutabile, absolutum, universale, & moralem inducens obligationem.

LXXXII.

LXXXII. Jus in Deo legislationis, obligatio in hominibus obedientiae non a sola irresistibili Dei potentia, aut Divinae naturae praestantia nascitur; sed ex dominio Creatoris, quem utique praestantia naturae optimum efficit legislatorem.

LXXXIII. Vidimus legis ideam non esse innatam: non eam propterea vel per saporem moralem, ut censet Hume, aut per sympathiam, ut Smith, aut per solam educationem, ut Machiavellus, aliique, sed ope sensuum, & reflexionis adipiscimur.

LXXXIV. At verum, adequatum, ultimum huiusce legis cognoscendae principium n. que est appetitus servandae vitae juxta Hobbesium, neque physica potentia juxta Spinozam, neque sociabilitas juxta Puffendorfium, neque temperamentorum diversitas, nationum consuetudo, privata cujuslibet utilitas juxta placita alia Philosophorum.

LXXXV. Duplex apud nos est ejusmodi principium; alterum immediatum & proximum, recta nimirum constitutio, & felicitas naturae humanae; alterum ultimum, & primi fundamentum, ipse nimirum legislator Deus.

LXXXVI. Nulla ergo stare potest Respublica Atheorum, nullaque Deitarum.

LXXXVII. Ethica huc usque communis. Officia hominis erga Deum, erga se ipsum, alios erga homines Ethicam particularem constituunt. Homo imprimis Deo debet officia mentis, Dei nempe existentiam, & quae clariora sunt, ejusdem attributa cognoscere, ammirare, ut adeo errores contrarii jure naturae proscribantur.

LXXXVIII. Deo debet homo voluntatis officia, laudes nempe, gratiarum actiones, fiduciam, amorem, reverentiam, legis observantiam, aliaque id generis, quibus cultus interior continetur.

LXXXIX. Se totum Deo debet homo ex animo & corpore constans; cultum propterea internum externis contestetur signis necesse est. Sic duplici cultus genere naturalis Religio consistit eo tamen usque progrediens, ut hominem completi jubeat si qua illi Religio divinitus esset revelata.

XC. An ulla ne Religio hominibus revelata? Aliquam sane hominum necessitas postulabat.

XCL. Quae nam ergo varias inter Religiones revelata habenda est? Esto imprimis infallibile criterium, quod negativum appellatur. Nulla Religio, quae rationi, aut naturae legibus repugnat, a Deo esse potest.

XCLL. A Deo tamen esse potest Religio, cujus dogmata neque aperte

aperte vera, neque aperte falsa rationis lumen agnoscat. Quamobrem mysteriorum intelligentia nequit esse positivum Revelationis criterium.

XCIII. Quare signa erunt alia a provido Revelante instituta; quorum evidentia nullum quidem prudens dubium relinquat; sed neque libertatem homini eripiat, qua Revelationem in Dei obsequium amplectatur.

XCIV. Ex his patet nullam præter eam, quæ Christiana dicitur, Religionem esse revelatam.

XCV. Officia hominis erga se alia animum, alia corpus, alia statum hominis externum spectant. Excolenda primo mens animi est rerum cognitionibus; quarum aliæ prorsus necessariae, ac lege naturali præceptæ; cujusmodi sunt complura Ethices elementa; aliæ contra, ut scientiæ fere sunt, licet utilissimæ, minus tamen necessariae, minimeque omnibus imperatæ.

XCVI. Excolenda insuper voluntas est veri ac solidi boni electione. Voluptas, honor, divitiæ, si per se spectentur, neque bona moraliter, neque mala sunt: ex modo, quo usurpentur, vitium, aut virtutem contrahunt. Rectus autem modus is erit maxime, ut ea nunquam, tamquam finem prosequamur, sed tamquam medium fini arripiendo accomodatum.

XCVII. Cupiditatibus permovetur voluntas. Porro cupiditates, aut affectus animi omnes ad amorem atque odium, & ad propriæ demum felicitatis studium revocantur. Hic est amor ille sui, quem aliqui nullo discrimine, bonoque jure tamquam malum traducunt. Quamquam enim amor iste in se unus sit; nihilominus ab effectibus, vel objectis dupliciter distingui potest: alter quippe quæ præposita sunt petit, quæ recta sunt, averfatur; ideoque per illum, nos metipsos diligimus in rebus specie dumtaxat bonis, re autem vera malis. Alter præstitutum rationis, & legis ordinem sequitur; perque illum nos metipsos in rebus illis amamus, quæ nobis pro Dei voluntate conveniunt. Itaque amor sui, ut jure probat Gerdius, optime cum legis observantia componitur; eoque magis ille perficit voluntatem, quo magis illum perficiat ratio, rectusque legum ordo.

XCVIII. Ex prædictis demum principiis quid sit vera libertatis perfectio aperte colligimus. Læditur nempe libertas ignorantia, errore habitibusque in vitium pronis: perficitur cognitione, lege, multoque magis gratia, habitibusque in virtute obfirmatis.

XCIX. Corpori conservationem debemus: nefas igitur mortem sibi qua-

quacumque de causa violenter inferre. Id Deo tantum jubente liceret: verum non temere putandum est eum tale quid imperare.

C. Vitam propriam tueri licet vel ipsa, si opus fuerit, iniqui aggressoris nece. Jus hocce defendendæ vitæ tamdiu in statu naturali cuilibet homini perseverat, quamdiu perseverat periculum juris amittendi; cessante autem periculo, cessat: In statu civili tamdiu perseverat, quamdiu peti a Magistratu defensio nequit.

Cl. Periculo vitam obicere gravioris mali effugiendi, aut majoris boni consequendi gratia licitum est; immo quandoque præceptum.

CII. Multo ergo magis licebit variolarum infectio, de qua tantum nunc temporis disputatio: infectionis enim periculum in diem fit levius, major in diem, ac certior ejusdem utilitas.

CIII. Inoculandi methodus adhibenda est, quæ a Cl. Gatti proposita jubet primo inoculandos nullo adhibito pharmaco debilitari: secundo inoculationem uno alterove acus ictu absolvi: tertio inoculatos aere uti, atque animo liberiore.

CIV. Ad bonum totius hominis statum faciunt fama, fortunæque: sed physica ejusmodi bona quum non tanti valeant, quanti ipsa hominis vita, animique perfectio; patet hæc illis bona esse anteponenda.

CV. Hinc Monomachia, sive duellum privata auctoritate susceptum plurimo naturæ jure proscriptum est. Quod si pro Rep. suscipiatur auctoritate publica, & licet, & actus est fortitudinis.

CVI. Jam ad officia hominis alios adversus homines devenit. Non sibi solum factus est homo, sed etiam aliorum sibi similium societati ineundæ. Furor Hobbesianus est, qui naturalem hominis statum in mutuo bello constituit.

CVII. Sed cum triplex natura duce societas hominum instituta sit; propterea ultimam hanc Ethicæ partem cum La Croix *Traité D. Mor.* 1768. *Parisi. Edit.* trifariam dividimus, ut adeo alia sit Ethices socialis hominum, alia civium, civitatum alia.

CVIII. Porro justitia & beneficentia, inquit cit. Auctor, socialem Hominis Ethicam definiunt. Ne quemquam hominum lædas: præcipit justitia: in quo uno præcepta omnia societatis perfecta, vel ut ajunt negativa continentur. Ergo nullius lædantur bona tum quæ ad animum, tum quæ ad corpus, tum quæ ad statum hominis externum spectant: neve lædantur cogitatione, voluntate, signis, silentio, factis, infectisque. Injustitiam singillatim ostendimus mendacii, seductionis, occisionis, detractionis, furti, sive rapinæ.

CIX.

CIX. Sed hæc eo latius patent, quo magis jura hominum ex-
crescunt. Hinc in multimodam rerum dominii acquisitionem fuit
inquirendum. Principio res omnes in comunione negativa fue-
runt: facta Humani Generis multiplicatione, a prima Homines
comunione jure discesserunt; atque inducta est lege Naturæ bo-
norum divisio.

CX. Ex hac divisione modi plures dominii primitivi, tum de-
rivativi acquirendi extiterunt, videlicet Occupatio, Accessio, Di-
visio, Cessio, Traditio, Contractus sive gratuiti, sive permuta-
torii, Successio ab intestato, Testamentum. Porro conditionibus,
quas cuique acquisitionis modo jus Naturæ decernit, delibatis; quæ-
stio de Mari, Ludo, Testamento diligentius instituta.

CXI. Quamquam Maris dominium, atque proprietas absolute ad-
quiri possit; Oceani tamen libertas usulque innoxius est juris Na-
turæ, & Gentium.

CXII. Rursus: quamvis nullum ludorum genus, in quo libertas,
æqualitas, & colludentium fidelitas servetur, non sit in se mora-
liter malum; ludi tamen plures, in quibus ingens pecuniæ vis aleæ
committitur, ratione ludentium, aliarumve circumstantiarum facile
privatis, & societati nocere possunt, ipsoque naturali jure damnari.

CXIII. Demum etsi testamenta ex jure naturæ vim suam & effi-
caciæ non obtineant; juri tamen eidem congruum est, ut rata ser-
ventur, ubi non pugnent cum felici Reipublicæ statu.

CXIV. Dominio triplex competit jus, dispositio libera, possessio,
& rei vindicatio. Nullus ergo Dominus in libera dispositione im-
pediendus, nulli Domino adimenda possessio, resque ablata Domino
suo restituenda.

CXV. Quod tibi vis fieri, id alteri effcito: jubet beneficen-
tia; in quo uno insunt præcepta omnia, quæ positiva, aut imper-
fecta dicuntur. Quare tutelam, opemque tum iis qui opprimuntur,
tum qui necessitate laborant, jure naturali debemus; quin etiam
pro ratione necessitatis, non solum innoxie, sed noxie, ut ajunt,
utilitatis officia sunt persolvenda.

CXVI. Ex hoc præsertim loco notionem, & mensuram noxii
luxus hauriendam esse arbitramur.

CXVII. Demum beneficentiæ lege tenemur humanitatis benevo-
lentia, & grati præsertim animi significationem cuique præstare;
atque ubi non omnibus præstare liceat, debita personarum, quas
suo singulas ordine recensemus, distinctio adhibenda est.

B

CXVIII.

CXVIII. In naturali societate præter communem nonnullæ etiam, naturæ dæce peculiares constitutæ sunt societates: hinc pecularia quædam munia suboriuntur. De his hæc habet. Conjuges sibi invicem fidem, & amorem debent: Parentes Liberis initiationem, & alimenta; vicissim liberi parentibus reverentiam, amorem, obedientiam, opem. Hæc eadem viget mutua inter consanguineos obligatio in ratione directæ propinquitatis. Heras & servus sibi invicem debent quidquid iustitia primam ex pacto, tum quidquid postulat beneficentia. Generatim neque conjugi in conjugem, neque parentibus in liberos, neque heris in servos jus vitæ, & necis competit, nisi fuerint simul imperantes.

CXIX. At propter majorem humanæ vitæ commoditatem, securitatemque effectum est, ut homines libertatis, ac naturalium jurium parte sese abdicarent; atque hinc ex juribus abdicatis, ex abdicantium voluntatibus, ex viribus in unum conspirantibus civile corpus consurgeret uno jure, unaque vi gubernandum: hinc homines facti cives, Ethicæque civilis legibus obligati.

CXX. Non una est civilis societatis forma; quæcumque tamen fuerit, omnis tandem summorum gubernantium potestas a Deo societatum omnium Gubernatore promanat: ex quo triplex enascitur officiorum genus.

CXXI. Civis quilibet suos erga concives communia perfecti, & imperfecti juris officia peculiari ratione persolvere, civicas vero leges diligenter exequi, immo ex publico civitatis bono tum sui corporis animique perfectionem, tum etiam bonorum externorum usum moderari tenetur.

CXXII. Civium omnium erga summos imperantes munus est, ut fidei constantiam servent, ut probatissimum amoris, honoris, obedientiæ specimen omne exhibeant, ut gloriæ quoque sibi verant non solum pro Religionis, & Civitatis, sed etiam pro Civitatis imperantium defensione mori.

CXXIII. Gubernantium potestas triplici vi constat, Legislativa, nempe, Judiciali, Executrice, seu jure belli & pacis: totidem inde officiorum capita huic omnia innixa principio, quod potestas tota ad societatis bonum collata est.

CXXIV. Quare Legislatori in legibus condendis id maxime cordi sit, ut bonum in quamplurimos redundet: in legibus vero criminalibus satagat ille, ut pœnas delicto, delictum damno societatis dimetiatur. Judicialis autem potestas tunc rite exercetur, cum sententia juxta legum statuta a iudicibus feratur.

CXXV.

CXXV. Demum potestas armorum poenes illum est, cui societas tota committitur. Exercenti hæc duplici de causâ potest; quumvis nimirum iniqui aggressoris repellenda; vel quum jus proprium vi exigendum: hinc defensivi, & offensivi belli appellatio. Cessante belli causâ, cessare debet utrumque bellum.

CXXVI. In bello autem gerendo licent quæ ad belli finem sunt necessaria; abesse tamen perfidia, & inhumanitas debent; ac præsertim veneno, & proditioe abstinendum est.

CXXVII. At suos jam intra fines nos Ethica Civitatum excepit: facultas enim armorum cuilibet societati propter societates alias potissimum concessa. Restat ut præcipua mutuae conjunctionis vincula percurramus. Legatio primas tenet. Jus publicæ legationis vel instituendæ, vel excipiendæ in illo reiidet, in quo jus belli atque pacis. Munia vero & jura legatorum apud externas societates huc tandem recidunt, ut legati sive belli, sive pacis cum externa societate amice se gerant; & vicissim cum his externa societas.

CXXVIII. Hic pauca de asylo civili reservavimus a Cl. Com. Christiani desumpta. Asylum calamitosiis hominibus patere naturæ legibus non repugnat. Asylum Principibus eorumque ædibus proprium ex ipso principatus jure efflorescit. Asylum apud nationes ex jure gentium; Asylum legatosum ab arbitrio potius societatum Legatos excipientium originem & vim habent.

CXXIX. Muris demum cum justitiæ, tum beneficentiæ officiis sese adjuvare studeant societates, maximeque reciproco mercaturæ, scientiarum, atque artium bonarum commercio.



EX PHYSICA GENERALI.

I. IN iis potissimum physices partibus versati sumus, quæ artibus, vel sublimioribus scientiis aditum aperirent, atque inde Religioni etiam præsidium peteretur, unde recentior complurium hominum improbitas insidias parat.

II. Cum scientia omnis regulas peculiare habere debeat, quibus ad eum evidentiam gradum evehatur, quem suscipere potest; illud initio curavimus, ut tres regulas, quas lib. 3. prin. Newtonus præmittit, rite explicaremus, atque earundem usum commendaremus.

III. Atque maximo laboris compendio analytica methodo utentes, quæ sensibus ipsis objicerentur primo persequuti naturam omnem sine motu inertem fore cognovimus: Atque hinc porro physicas disquisitiones esse incipiendas.

DE CAUSSIS MOTUS, ET EJUS NATURA.

IV. EO, quod vocant, inductionis principio satis aperte colligitur nullam velocitatem per saltum mutari, atque proinde etiam in corporum collisione hoc obtinere rite inferremus: Quod tamen ex idea impenetrabilitatis, atque replicationis, quarum altera omni corpori convenit, altera repugnat, directe evincimus. Hinc

V. Quoniam notissima motus lex est corpora perseverare in suo statu quietis, vel motus, uniformiter, in directum donec actione, nova e statu suo deturbentur; inveniri debet actio, quæ quemcunque excessum velocitatis extinguat, quo unum corpus ad aliud accedat; idque successive fiat.

DE LEGE VIRIUM IN NATURA EXISTENTIUM.

VI. Successivam hanc velocitatum mutationem non feliciter explicant Leibnitiani dum ad elaterium minimarum partium massam quamcunque constituentium confugiunt. Ea non aliter explicari potest, quam per Boscovichii theoriam: in qua omnia materiei puncta agunt invicem juxta distantias. 1. quidem in omnium minimis sese repellendo vi semper majori, & in infinitum excrecente in ipso contactu; tum attractiones simul & repulsionem pluribus omnino vicibus alternando, donec in distantis aliquanto majoribus attractio agat in ratione quantumlibet proxime reciproca duplicata distantiarum.

VII.

VII. Theoriam hanc præter quam ex lege continuitatis deductam plurimum commendant etiam hæc duo momenta: Alterum est quod unica & simplicissima formula algebraica ea continetur, ex qua curvæ constructio eruitur, habentis in origine abscissarum, quæ distantias repræsentent, arcum asymptoticum, tum arcus cujuscunque magnitudinis in pluribus omnino punctis axem ipsum secantes sub quacunque inclinatione, vel tangentes, tum desinentis in arcum curvaturæ ad hyperbolam cubicam accedentis. Alterum est, quod hoc unico principio toti physicæ aditus aperiatur, quod in aliquibus præcipuis corporum affectionibus explicandis ostendimus.

SPATIUM, TEMPUS.

VIII. **Q**uid ergo porro erit extensio? Materiei continua plane nulla. Sed neque spatii. Spatium nobis est, per quod aliquid est ibi, ubi est, atque ex quo oritur relatio multiplex, quæ denominationem inducit distantie vel compenetrationis. Mutabilitas harum relationum simul a nobis & indefinite cognita dat illam, quam habemus ideam realem spatii extensi. Hinc in temporis naturam facile dilapsi, tempus nihil aliud esse affirmamus, quam illud per quod aliquid est, tum cum est, & relationem cum aliis inducit præteriti, præsentis, futuri. Vide Bolc. in suppl. Stay l. 1. §. 7. Discreta tamen materiei extensio, & sensibus percipienda plane erit.

IMPENETRABILITAS, COHÆSIO, ELATERIUM, FLUIDITAS, SOLIDITAS.

IX. **I**psiæ elementa corporum simplicia sunt; sed impenetrabilia invicem, quoniam contactum omnem rigide sumptum respiciunt. Cohæsiō, quæ neque per meram partium respectivam quietem, neque per ullam mechanicam causam explicari universaliter potest, oritur ex limitibus cohæsiōis: Sic nimirum appellamus ea intersectionis curvæ, & axis puncta, in quibus si duo materiei puncta inveniantur, & invicem distrahantur attractivum arcum inveniunt, si admoveantur, repulsivum: Elaterii ideam hinc etiam eruiamus: Quoniam duo ea puncta a limitibus remota pristinam figuram oscillando affectabunt.

X. Soliditas massarum sensibilibus a mutua cohesione particulatum minorum nascetur, eo magis variabilis, quo plures massæ minores uniri debent, cum ex actionibus omnium simul sumptis ea oriri debeat. Hinc statim elucet fluida inter & solida, seu firma corpora diversitas. Accedit, quod experientia edocti minimis partibus utique solidis fluidam massam constituentibus figuram vel sphœricam, vel quasi sphœricam tribuendam esse arbitremur.

DE CORPORUM DIMENSIONIBUS, ET CENTRO GRAVITATIS.

XI. **Q**uamvis in theoria nostra nulla superficies continua habeatur, tamen physice æstimari poterunt dimensiones ut in communi sententia. Itaque erunt massæ in ratione composita densitatis, & voluminis. Atque juxta communes regulas aliæ institui poterunt comparationes. Illud etiam commodi in ea invenitur, quod demonstrari potest in omni massa esse suum gravitatis centrum, & methodus illud inveniendi traditur.

GRAVITAS.

XII. **H**æc, ut affectio terrestrium corporum est, plane ipsis omnibus convenit, & materiei rationem sequitur. In theoria nostra hæc pendet ab actione omnium partium terrestrem globum componentium, & pertinet ad ultimum curvæ arcum, de quo locuti sumus n. 7. Sed fusius de hac ipsa vi mox dicendum est.

EX MATHESI MIXTA.

XIII. **N**otum est physicam recentiore veteri ideo præcellere, tum quia observationibus experimentisque innititur, tum quia Geometriæ, & Algebrae ope promovetur. Utum igitur harum scientiarum in physicis rebus docuimus, tum quæ nobis ului esse deinde poterant delibavimus.

MECHANICA.

XIV. **T**ria consideranda hic sunt potissimum: Velocitas, directio, massa: A mensura velocitatum incipiamus.

XV.

XV. Est theoriæ nostræ confectarium nullum esse posse motum æquabilem. Atqui plane id experientia ipsa docemur. Leges tamen motus æquabilis cognoscere juvabit, quæ viam faciliorem sternunt ad variabilium motuum leges dignoscendas.

XVI. In motu igitur æquabili unius materiei puncti est considerata relatio inter certum quoddam spatium, & certum tempus: Relatio hæc est velocitas. Ut exprimi possit, statuenda est ad arbitrium unitas tum in spatio tum in tempore. Si jam numerus spatium exprimens majorem habeat rationem ad numerum tempus experimententem, ratione æqualitatis, dicetur velocitas crescere, si minorem, imminui. Hinc ratio velocitatum est composita, ex directa spatiorum, & reciproca temporum.

XVII. Motus variabilis vel difformi, vel uniformi lege variari potest. Uniformiter variabilem actio constans, difformiter variabilem variabilis actio gignit. In utroque velocitates genitæ sunt in ratione composita virium & temporum, spatia vero rationem sequuntur compositam ex simplici virium, & duplicatam temporum.

XVIII. Hinc si motus per vim constantem acceleratricem generis a quiete incipiat, spatium dato tempore finito percursum subduplum erit illius, quod a mobili eodem tempore percurreretur motu æquabili, & velocitate in fine temporis illius acquisita ab initio existente. Si vires accelerantes agant in ratione quacunque, cujus lex pendeat a spatiis ipsis percurtis, incrementa quadratorum celeritatis erunt in ratione composita virium singulis tempusculis agentium, & spatiolorum, quæ illis iisdem temporibus describuntur.

XIX. Directione unica delatum mobile recta linea movetur. Si vero duabus viribus sollicitetur directione, & ratione constantibus, sed quarum directiones ad angulum jungantur, a mobili diagonalis parallelogrami peragitur, cujus latera directionem, & quantitatem actionis expriment; & tempore eodem, quo alterutra seorsim vi respondens latus conficeretur. Ex hac lege sequitur, quocunque numero vires, eo, quem diximus, ordine simul agant, mobile semper per unam rectam lineam debere describere.

XX. Hæc compositio motuum ad resolutionem communiter adhibitam nos deduxit. Eam in natura non haberi omnino certum credimus: sed ostendimus resolutioni semper compositionem substitui posse in demonstrationibus: Ita ut tamen resolutione non raro usus sumus, quæ sæpe simplicior est.

XXI. Si mobile vi aliqua centrali sollicitetur, & simul vi quacun-

cunque projectum intelligatur, describet curvam facientem in plano, in quo sunt linea projectionis, & directio prima centralis, & area a radio vectore descripta erunt temporibus proportionales: Et si mobile in curva perimetro delatum ita moveatur, ut radius ex eo ad datum punctum ductus areas describat temporibus proportionales, mobile in illud punctum vi centrali urgebitur. Velocitates tangentiales in singulo parvo arcu describendo acquisitae erunt in ratione inversa perpendicularorum, quae ex centro in tangentes demittantur.

XXII. Si mobile moveatur in circulo motu aequabili habet vim centralem in ipsum centrum circuli. Circa quod si duo mobilia moveantur vires centripetae sunt ut quadrata arcuum simul descriptorum; seu in duplicata velocitatum, & reciproca radiorum conjunctum. Si quadrata temporum periodicorum sint ut cubi radiorum, ipsae erunt in ratione inversa duplicata distantiarum seu radiorum; & velocitates tangentiales sunt in ratione inversa radiorum subduplicata.

XXIII. Breviter hic de vi centrifuga disputavimus, quae in omni curvilineo motu considerari solet: Haec igitur non est novae quaedam actio, sed simplex vis tangentialis effectus.

XXIV. Demum si massa respiciatur; facile est intelligere, quae de singulo puncto dicta sunt, ad massam integram transferri posse adhibita motuum compositione. Quantitas motus erit summa motuum omnium punctorum, quae, si motus sint paralleli, & aequales, habebitur ex facto numeri omnium punctorum in velocitatem unius.

S T A T I C A.

XXV. **N**ewtonum, & Varignonium sequuti paucis principium aequilibrii exposuimus. Tunc tres vires erunt in aequilibrio, quoties binae singulae sint inter se in ratione reciproca sinuum anguli, quem cum tertia continent. Porro in singulis machinis ad movenda pondera, semper tres hujusmodi vires habebuntur: Nempe potentia movens, pondus, & hypomoclium.

GRAVIUM TERRESTRIVM MOTVS.

XXVI. **I**llud in antecessum demonstravimus vires quascunque variabiles tempore admodum exiguo pro uniformi acceleratrice

ratrice haberi posse. Ex hoc principio facile deduximus leges rectilinei verticalis motus gravium in medio libero, atque præcipua quæ de hoc motu demonstravit Galileus, quantum satis erat exposuimus.

XXVII. Deinde motum per unum planum inclinatum, mox per plura, atque sic per curvas consideravimus. In plano inclinato vis acceleratrix per longitudinem ad vim acceleratricem per altitudinem est ut sinus anguli plani cum horizonte ad sinum totum, atque adeo tempora in iisdem conficiendis elapsa erunt in eadem ratione inversa. Hinc chordas omnes ejusdem circuli percueret grave æquali tempore. Velocitates vero in fine altitudinis acquisitæ erunt æquales. Hæc velocitatum æqualitas habebitur, utcumque multiplicato planorum numero, modo anguli, quos invicem continent infinite parum distent a duobus rectis: Infinitesima enim tunc differentia erit. Non tamen hujus ordinis erit differentia temporis in descensu insumpti.

XXVIII. Descensus per canales curvilineos ad pendulorum explanationem deducit. In medio libero, & omni alio remoto obstaculo, per arcus æquales eodem tempore perpetuo oscillaret pendulum. Tum errare illos demonstravimus, qui rigide isocronas, ut vocant, oscillationes per quoscunque circuli arcus sunt arbitrati. Verum simul docuimus, si pendula sint satis longa, errorem hujusmodi physice contemni posse; adeoque etiam in hujusmodi pendulis posse tuto theorema sequens adhiberi. Duorum pendulorum oscillationes conficiuntur temporibus, quæ sunt inter se in ratione directa longitudinum, & reciproca virium utraque subduplicata.

HYDROSTATICA.

XXIX. Triplici problemate eam complexi sumus. Quærere æquilibrii fluidorum leges 1. cum homogeneis, 2. cum heterogeneis, 3. cum solidis. Jam ut fluidum in æquilibrio sit singula particula debet in omnem partem æque premi. Cum igitur fluidum grave sit, & premat, tunc æquilibrio obinebitur, quando partes sub eadem altitudine æque in omnem partem premantur. Illud præterea requiritur, ut pressio ad superficiem sit perpendicularis.

XXX. Distinguendum porro est pondus absolutum datæ fluidæ massæ a pressione, quam contra basim vasis, quo contineatur, exercet.

cer. Illud in ratione massæ est, hujus mensura est factum ex basi ducta in aream ortam ex fluxu ordinatæ ad locum qui legem gravitatis exprimat.

XXXI. Locum hic nacti sumus quærendi causam adscensus fluidorum per tubos capillares, quem ad hydrostaticas leges reduci falso nonnulli existimant. Causam invenit aptam Clairaut in attractione, quam in fluidum exercent tum duo ultimi partis tubi immerse annuli, tum primus extra libellam positus.

HYDRAULICA.

XXXII. *Quæ fluidorum æquilibrium respiciunt; paucis complecti possunt, quæ ad motum eorumdem pertinent, nonnisi hypothesebus perscripta, dubia, incerta sunt, ait P. Frisius de Grav. lib. 1. in sch. cap. 2. Quapropter duo Torricellii theoremata exponere satis visum est, quæ experimentis satis confirmantur: fluida ex apertis orificiis vasis ad eandem libellæ prementis altitudinem ascendendo feruntur: Et particularum effluentium velocitates sunt in ratione subduplicata altitudinis fluidi prementis.*

ASTRONOMIA GEOMETRICA, ET PHYSICA.

XXXIII. *Elementa spæræ cœlestis, tum geographiæ hic tradidimus, atque id curavimus, ut exponeremus qua ratione nasci hæc scientia potuerit, tum qua ratione profectus semper majores habuerit, tum etiam problemata aliquot proposuimus, ut hujus scientiæ usus elucetere.*

XXXIV. *Ut auditorum commodo consuleremus satius existimavimus motuum cœlestium veram descriptionem, & causam hic apponere, quamquam ea ad Physicam particularem pertinere videatur: Præcipue cum in affectionem materiei omnis propriam deum deveniatur: atque ideo Physicæ generali etiam subfit: Itaque sic rem consecimus.*

XXXV. *Ex pendulorum theoria cum tot clariss. virorum experimentis comparata æquum gravitatem corporum terrestrium vim variabilem esse, atque quo propius ad polum accedimus majorem, minorem vero velut æquatorem: Tum variari etiam, mutatis paullo sensibilibus distantis a centro.*

XXXVI.

XXXVI. Quin etiam hac gravitate urgetur luna versus terram, & in orbita sua retinetur. Hanc habent reliqui satellites in suos planetas, hanc planetæ in Solem, hanc etiam terra in Solem eundem, circa quem motu annuo movetur, dum circa axem suum rotatur motu diurno. Centrum igitur planetariorum motuum est solis centrum quam proxime: Circa hoc centrum in foco ellipsos possum describere ellipses suas planetæ.

XXXVII. Hinc, analysi ulterius promota, Newtoni vestigia sequuti contendimus hanc gravitatem esse omnium punctorum materie in omnia puncta hac lege, ut ea sit in ratione inversa quadrati distantiarum. Tradidimus deinde regulas aliquas, quibus dignosci posset actio massæ alicujus vel in puncta, vel in alias massas, vel data actione cognosci posset massa, & qua ratione inveniri posset centrum systematis corporum in se hac lege mutuo agentium.

XXXVIII. Circa hoc centrum igitur vi gravitatis, & projectionis delati motus filios conficiunt planetæ: Atque hæc est causa horum motuum: Non vortices fluidi circa solem rapidissime gyrautes. Hypotheses omnes huc usque ad vortices hosce construendos excogitatæ a summis ceteroquin viris vicio aliquo laborant.

OPTICA.

XXXIX. **R**ectilinea lucis propagatio satis inde commendatur, quod, ea assumpta, tum optica ipsius, tum astronomia phenomena optime explicantur. Eadem ratione suaderet per idem medium æquabili motu diffundi in sphaeram: Atque hinc lucis intensitatem decrescere in ratione continua geometrica. Non momentaneam hanc lucis propagationem esse demonstrant, quantum in physicis optari potest, tum phenomena intimi præcipue satellitis Jovis, tum aberratio syderum.

XL. Ad opticam proprie dictam spectat leges visionis explicare; præscindimus hic tamen a coloribus, de quibus inferius agitur. Optica objecti magnitudo ab angulo pendet, quem radii ab objecti extremis partibus advenientes in oculo continent: Eiusdem vero perfecta perceptio ab distincta partium imagine, quæ in fundo oculi depingatur. Alia etiam explicuimus, ex quibus paullisper digressi sumus in ideis expendendis, quæ ex visione nascuntur, & plura præjudicia deteximus, quæ plerumque subreperunt.

XLI. Quæsitivimus etiam causam, quare cum inversa imago, & sin-

singula in singulo oculo fiat, nec inversum tamen, nec duplex objectum appareat. Facile autem ostendimus, neque verum esse percuti retinam in directione rectæ retinam cum puncto objecti visi jungentis, neque, si hoc esset, posse inde animam rectam objecti positionem judicare. Falsum iterum plerosque homines non duplicem habere imaginem. Utriusque rei explicationem sic dedimus. Quoties omnia in naturali positione inveniuntur, motus oculi quicunque sit certam cerebri partem, & certo modo semper mover. Hinc usu ipso, & aliis sensibus moniri unitatis & positionis objecti, cum illi motui semper eadem sensatio respondeat, eandem ideam efficiemus.

XLII. Demum in retina, non in choroide imaginem pingi probavimus quamvis chorois possit adjumento esse.

DIOPTRICA.

XLIII. **R**efringitur lux dum per diversæ densitatis media oblique progreditur. Jacent in plano eodem uterque angulus tum incidentiæ, tum refractionis, eorumque sinus constantem servant sub quacunque obliquitate rationem. Physica sufficiens ratio, quæ in nulla mechanica, ut vocant, causâ invenitur, est in attractione ipsa partium novi medii quod subit, quæ si major sit quam attractio præcedentis, lucem ad perpendicularum frangit, si minor fuerit, eam a perpendicularo refringit: Adeo ut mutari aliquando possit refractione in reflexionem.

XLIV. Hinc de lentibus earumque usu, conspiciillis, telescopiis quantum satis est loquuti sumus: Vitia myopum, & præbytarum prævia oculi descriptione explicuimus, quo sensu dici possit radios per lentem refractos in unum focum congruere &c.

XLV. Dum radius per refractionem detorquetur, in innumera fila etiam separatur, quorum septem quasi classes enumerantur propria refrangibilitate, & reflexibilitate donati, & diversam constantem coloris sensationem in oculo excitantes. Ostendimus non a diversis modificationibus lucis per se homogeneæ hæc omnia oriri posse, sed omnino singuli filii naturam esse in causâ cur constantem hunc colorem & constantem refrangibilitatem præferant. Facile hinc colligitur corpora ideo diversi coloris apparere, quia radios hos præ illis copiosius reflectunt.

XLVI. De vitris Dollondianis loquendi hic locus fuit. Experimenta

menta vitris hujusmodi desumpta ostendunt non servari in singulis radiis simplicibus constantem differentiam refractionis: sed illud etiam nos docuerunt experimenta quæ P. Boscovich suo vitrometro instituit, non posse hæc vitra appellari acromatica.

XLVII. Persequuti etiam summus cum Newtono tenuium lamellarum colores tum reflexos, tum transmissos: In egressu vel ingressu novi medii nanciscitur lux dispositionem quamdam transitoriam, quæ in radii progressu æqualibus revertitur intervallis, efficitque, ut in singulis dispositionis itius accessibus transmittatur facilius, in singulis autem intervallis facilius reflectatur. Hanc radiolorum dispositionem, quam vices facilioris reflexionis, & facilioris transmissionis vocamus, ut explicemus, eam inimus viam, quam Boscovichus in sua *disert. de lumine* tradidit. Experimenta hujusmodi, eorumque explicatio probant pelluciditatem, ab æquabili densitate, tenuium lamellarum corpus ipsum constituentium, opacitatem vero ab inæquabili densitate oriri; non autem a rectitudine pororum vel eorundem non ubera communicatione, ut nonnulli statuerunt: Tum, etiam rationem docent explicandi, quare unus præ alio a diversis corporibus color reflectatur.

C A T O P T R I C A.

XLVIII. **R**Adiorum reflexorum theoriam ea scientia continet. Lex præcipua est, ut angulus incidentiæ reflexionis angulo sit æqualis. Reflexionem omnem sine impactu fieri tum ex theoria nostra consequitur, tum ejusdem phænomena docent. Paucis deinde docuimus quid ex ea lege pro diversis speculorum reflectentium figura consequatur.

A C U S T I C A.

XLIX. **S**Onum in objecto, cui a nobis tribuitur, in medio, per quod ad nos defertur, in nobis ipsis consideravimus, quantum experimenta ipsa docere possunt. Sonus itaque in objecto ipso est minimarum ipsius partium tremor. Harum partium oscillationes possunt servata temporis æqualitate esse vel majores vel minores. Quo majores erunt eo validior erit sonus. Crescere tamen potest sonus etiam ex multitudine vibrantium partium.

L. Discrimen vero inter acutum & gravem sonum a diverso numero

mero vibrationum exoritur, quæ eodem tempore conficiantur. Potest igitur idem sonus modo gravis, modo acutus dici: Est enim hæc soni affectio, ut patet, relativa. Ab experimentis Galilei erui posse videtur numerum vibrationum, quas chorda eadem eodem tempore conficit, esse in ratione directâ simplici longitudinum, & ponderum tendentium subduplicata conjunctim. Notum tamen non est altius rem istam repetere.

LI. Aer est medium præcipuum per quod sonus propagatur. Quamquam experientia docet etiam per corpora solida devehî sonum. Propagatio hæc per successivas undas, seu vibrationes successive communicatas quaquaversus in sphaeram motu fit admodum veloci, & constanter æquabili; nisi quatenus a ventorum directione vel adversa retardetur, vel obsecundante acceleretur aliquantulum.

LII. Jam ex hac theoria explicari facile poterit quare in locis clausis, vel vallibus sonus intendatur, quare ope tubæ stentoreæ sonus longius protendatur, quare singulis instrumentis musicis certæ cujusdam formæ, & materiæ arca jungatur, aliaque id genus.

LIII. Quod nam est harmoniæ principium physicum, seu id quod in sonis harmonicis invenitur, & non in reliquis? Ut huic quæstioni satisfaceremus, breviter exposuimus sententiam Rameau, qui ostendit harmoniam ibi solam haberi, ubi præter sonum fundamentalem, quem vocat, duo alii excitentur soni, quos harmonicos appellat, nempe 12.^{am} & 17.^{am}, seu 8.^{am} quintæ, & duplicem 8.^{am} 3.^a majoris.

LIV. Quod ad organum spectat, ejus præmissa descriptione, mollium nervorum motum statuimus causam sensationis nostræ auditus. Hi nervi non ab aere, a quo tangi nequeunt, sed a tremoribus solidarum partium aurem internam componentium mordentur quodammodo & vellicantur. Figura & textus partium hujusmodi sententiæ huic pondus probabilitatis adjungunt.

LV. Quæstionem totam clausimus quærendo quid in nobis ipsis inveniretur, cum sonus aliquis placet. Eulerus in præclaris. suo tract. de Musica perceptionem ordinis qui invenitur vel in sonis ipsis vel in duratione, vel in successione id esse affirmat, quod animæ placet: alii ipsam proportionum in consonantiis perfectionem animæ placere affirmant. Nos ægre explicari omnia posse arbitramur, nisi gratæ omnis sensationis principium hic etiam adhibeatur.

LVII. **E**lasticitatem aeris, ejusque pondus res jam nimis notas paucis exposuimus; Tum ejusdem usum in aëllis spirantibus; deinde ad barometra progressi variationes, quæ in ipsis accidunt ostendimus indicare etiam aeris gravitatem, seu potius totius atmospheræ variari. Cur autem possit aliquando variari in datâ regione gravitas atmospheræ, id cum Hallejo repetimus ex directione ventorum, quæ si sit ex diversis partibus in idem punctum, augebit, si ex eodem puncto ad diversas partes sit, gravitatem imminuet.

LVII. Utum etiam barometri indicavimus, qui in morbis fieri potest juxta Berrjat observationes Mem. Phis-Mat. T. II. Tum ostendimus posse utique ope barometri inveniri diversas a superficie maris libellas, & vel montium, vel tutrium altitudines: cum satis constet aeris densitates intra certos limites decreescere in ratione continua Geometrica, crescentibus a superficie maris in ratione continua Arithmetica altitudinibus.

EX PHYSICA PARTICULARI. COSMOLOGIA.

SOL, STELLÆ FIXÆ.

LVIII. **V**ideretur esse Sol ignitum corpus, cujus omnes proprietates refert, continuo fermentationi simili motu agitarum; atque inde modus explicatur, quo immanem lucis copiam fluxu perenni in spheram emittat. Non enim lux est fluidum quoddam subtilissimum, quod ubique diffusum motum oscillatorium a sole acceptum ad nos deferat. Nucleum in ipsa massa solidum admittimus ex eo porissimum capite, quod sic maculæ explicantur, quæ in solaris disco apparent, & quæ juxta nos ipsius nuclei partes sunt ab igneo torrente non tectæ, & non aut parvi planetæ, aut fuligines. Volvitur totum hoc corpus tum circa centrum commune Planetaril systematis, tum circa axem suum 25. dierum spatio: circiter 1442.

LIX. Sua præterea circumdatur Sol atmospheræ. Hæc est, quæ lumen Zodiacale in Cælo appellatur, quod inter meteora in atmospheræ nostræ altitudine existentia numerari non debet.

LX. Stellæ fixæ tamquam totidem Soles passim habentur. Breviter

maria, qui est inversus secundariæ. Distantiam arcuum, altitudinem Solis supra Orizontem, aliaque ad Iridem efformandam necessaria deinde determinavimus.

LXVII. Ad meteora pariter pertinet Aurora Borealis. Hæc cum Mairan repetenda est ab aliqua atmosphæræ Solaris parte, quæ cum nostra ad maximas altitudines commiscetur, ad polum congeritur, ibique lucet. Hæc auroræ altitudo facit ut ne terrestribus exhalationibus conflata dici possit.

LXVIII. Ab naturali electricitate repetendam esse existimamus fulgurum, & fulminum explicationem. Ignis nimirum electricus modo a terra in nubes effunditur, quæ minorem ignis copiam contineant, modo a nubibus in eos terræ locos dirigitur, qui minus electrici sint.

LUNA, ET SATELLITES.

LXIX. **L**unæ phasibus breviter explicatis anomalias in ejus motibus perpendendas, quantum nobis fas est, sumpsimus. Ab inæquali Solis in Terram, & Lunam actione eruuntur explicationes tum evectionis, tum variationis annuæ. Atque illud ostendimus quomodo in hac theoria, ceteris paribus Luna sit terræ vicinior in syzigiis, quam in quadraturis. Ex eadem causa tum apsidum, tum nodorum oscillatorium motum eruimus, & quare apsidum periodus sit in consequentia, nodorum vero in antecedentia; tum etiam quare mutabilis sit inclinatio plani orbitæ Lunaris ad Ecclipticam.

LXX. Jamvero præter analogiam suppetunt argumenta, ex quibus Satellites Joviales legibus iisdem subiaci dicamus circa Jovem, quibus Luna circa terram subjacet.

LXXI. De Solis & Lunæ ecclipsibus conjunctim compendii causa egimus. Posita rectilineæ lucis propagatione, & data Solis a terra distantia, & cum Solis, tum terræ diametris, determinari potest tum longitudo, tum latitudo in singulis partibus, umbrosi coni quem terra projicit. In hunc conum toties immergi debet Luna, quoties in oppositione sit, & a nodo distet 12.º circiter. Hinc diversas ecclipses explicamus, parciales, totales, centrales, cum mora, & sine mora.

LXXII. Lucem, quæ in Ecclipsibus Lunæ percipitur, colligit terrestris atmosphæra, quæ dum radios refringit, penumbram ampli-

34
implificat, sed umbram ipsam prope lunam minus perfectam facit.
Color sanguineus, qui in Luna sæpe apparet, repeti debet ex ra-
um rubrorum natura, non tam ex minori eorum refrangibilita-
te, quam ex eo quia radii ejusmodi longiora habeant vicium in-
tervallo.

LXXIII. Ex interpositione Lunæ inter Solem & Terram oriun-
tur solares ecclipses. Plura hic explicamus e. gr. quare Lunares
ecclipses sint semper universales, non item Solares; quæ inter hasce
ecclipses connexio sit, qui limites Solarium Ecclipsium &c.

COMETÆ.

LXXIV. IN Cometis, duo veniunt examinanda: nucleus ipse, &
cauda. Igitur sic statuimus. Corpora hæc ad theoriæ
cœlestem corporum planetariorum pertinent. Rejēctis aliis omni-
bus vetustioribus sententiis; tum etiam ea, quam P. Bertier edi-
dit *Physique des Cometes*, statuimus Cometæ totidem esse planetas,
qui circa solem moventur in orbitis Ellipticis admodum excentri-
cis, juxta aliorum planetarum leges.

LXXV. Earum caudas dicimus esse exhalationes, quæ ab ipso
cometico corpore exeuntes sursum eleuantur a pressione Solaris at-
mosphæræ. Positionem Cometicæ caudæ non bene explicat cl. Eule-
rus, dum eam reperit ab impulsu radiorum solis in cometicam
atmosphæram.

AEROLOGIA.

LXXVI. Fixabilitatem aeris admittendam esse satis probant ex-
perimenta Hales, neque improbable est posse etiam
ab aliquibus sulphureis exhalationibus, quibus aliqua aeris nostri
portio imbuatur, posse inquam eam aeris partem ad aliquem fixi-
tatis statum redigi.

1093.6

7

MC

